



Broj: 05-04-20-3139-5/26
Maglaj, 27.07.2026. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-3139-3/26 od 27.07.2026. godine, u postupku javne nabavke „Hitne mjere sanacije posljedica vremenskih nepogoda na području općine Maglaj“, Općinski načelnik donosi

ODLUKU

o izboru najpovoljnijeg ponuđača

I

Prihvata se preporuka Komisije za javne nabavke i okvirni sporazum o nabavci radova na provođenju hitnih mjera sanacije posljedica vremenskih nepogoda na području općine Maglaj dodjeljuje se ponuđaču „Ikan“ d.o.o. Zavidovići, u skladu sa ponudom broj 32-07/2026 od 20.07.2026. godine, po ukupnoj cijeni od 64.400,00 KM bez PDV-a, odnosno 75.348,00 KM sa uračunatim PDV-om.

II

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-3139/26 od 29.06.2026. godine, pokrenut je postupak javne nabavke „Hitne mjere sanacije posljedica vremenskih nepogoda na području općine Maglaj“, putem otvorenog postupka, sa namjerom zaključivanja okvirnog sporazuma sa jednim ponuđačem na period od 12 mjeseci. Predmetna nabavka objavljena je na portalu javnih nabavki, Obavještenje o nabavci broj 1140-1-3-80-3-69/26 od 30.06.2026. godine. Sažetak obavještenja o nabavci objavljen je u „Službenom glasniku BiH“, broj 46/26.

Procijenjena vrijednost nabavke je 76.923,08 KM bez PDV-a, odnosno 90.000,00 KM sa PDV-om. Kriterij za dodjelu ugovora je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-45-1-1074/26 od 22.05.2026. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da je blagovremeno zaprimljeno šest ponuda, prema redoslijedu zaprimanja kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	“Ikan” d.o.o. Zavidovići	Mečevići bb, Zavidovići	20.07.2026. 08,19h	7301
2.	“KM-gradnja” d.o.o. Tešanj	Ljetinić br. 2, Tešanj	20.07.2026. 10,56h	7332
3.	“Unibau” d.o.o. Doboj Istok	Klokotnica, Doboj Istok	20.07.2026. 13,15h	7333
4.	“Geo-put” d.o.o. Maglaj	Poljice bb, Maglaj	21.07.2026. 07,23h	7358
5.	“Hajdić” d.o.o. Maglaj	Misurići bb, Maglaj	21.07.2026. 08,02h	7364
6.	“Dobojputevi” d.d. Doboj Jug	Usorska 130, Matuzići	21.07.2026. 08,13h	7365

Komisija je, prilikom otvaranja ponuda, konstatovala da su zaprimljene ponude prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponuda, kako bi utvrdila da li iste ispunjavaju zahtjeve u pogledu ponuđene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom. Komisija je sve zaprimljene ponude ocijenila prihvatljivim.

E-aukcija je zakazana za dan 23.07.2026. godine s početkom u 11,00 sati. Nakon održane e-aukcije, konačna rang lista u predmetnom postupku je sljedeća:

r/ b	Naziv ponuđača	Cijena / KM bez PDV-a	Cijena / KM sa PDV-om	Procenat snižavanja cijene na aukciji
1.	“Ikan” d.o.o. Zavidovići	64.400,00	75.348,00	16,21%
2.	“Hajdić” d.o.o. Maglaj	64.500,00	75.465,00	14,82%
3.	“Geo-put” d.o.o. Maglaj	75.390,00	88.206,30	1,85%
4.	“KM-gradnja” d.o.o. Tešanj	75.460,00	88.288,20	0,84%
5.	“Unibau” d.o.o. Doboj Istok	75.500,00	88.335,00	1,55%
6.	“Dobojputevi” d.d. Doboj Jug	76.655,56	89.687,01	0%

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da okvirni sporazum za nabavku radova na provođenju hitnih mjera sanacije posljedica vremenskih nepogoda na području općine Maglaj dodijeli ponuđaču „Ikan” d.o.o. Zavidovići. Preporuka je, zajedno sa izvještajem o radu Komisije, dostavljena rukovodiocu ugovornog organa 27.07.2026. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu okvirnog sporazuma. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Maid Suljaković

